



طبی علملر دانشگاهی محققلری نین تحقیقلری پخله نین پارکینسون ناخوشلوغونون درمانیندا تأثیرلی اولدوغونو گؤرسدیر.

مشهدین طبی علملر دانشگاهی نین محققلریندن اولان دکتر نیکخواه دئییر: مشهدین طبی علملر دانشگاهیندا 30 ناخوش اوستونده پخله نین پارکینسون درمانینداکی تأثیری بیلیندی.

بو مغز و اعصاب متخصصی آرتیردی: پارکینسون ناخوشلوغو، 50 یاشدان سونرا گؤرونن مغز و اعصاب ناخوشلوغودور.

دکتر نیکخواه، پخله ده مخصوصاً جوجرمیش پخله ده چوخلو دوپامینین اولماسینا اشاره ائله ماغینان آرتیردی: پارکینسون ناخوشلوغو توتانلارین بئیینده دوپامین میزانی آزالار و لازم اولان دوپامینی ائشیدن آلمالیدیر.

او آرتیردی: ایندیلیقدا دوپامین، بئمه لی داوا کیمی خارجی اؤلکه لردن گتیریلر. آما پخله عصاره سینى داوا صورتینده دوزلتماغینان، دوپامین داواسینی اله گتیرماق اولار.

پارکینسون ناخوشلوغو، 1817-جی ایلینده بیریتانیالی جیمز پارکینسون طرفیندن کشف اولان، آرتان عصبی بیر ناخوشلوقدور.

پارکینسونون دؤرد علامتی وار:

استراحت حالیندا ال – آیاغین تیتره مه سی، حرکتلرین یاواشلیغی، عضله لرین قورویوب برکیمه سی و تعادلون یوخلوغو.

ناخوشلوغون اولیه مرحله سینده بدنین فقط بیر طرفینده اولان ملایم تیتره مه لر یارانیر و درمانا احتیاجی اولماز. آما گئتدیقجان شخص تیتره ن الینی داها جیبینده و یا دالیسیندا گیزلده بیلمز.